

Na osnovu člana 19. stav 4. Zakona o Vladi Federacije Bosne i Hercegovine („Službene novine Federacije BiH”, broj: 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine, na 157. sjednici održanoj 21. 09. 2010. godine, donosi:

## ZAKLJUČAK

### O STRATEGIJI RAZVOJA BOSNE I HERCEGOVINE I STRATEGIJI SOCIJALNOG UKLJUČIVANJA BOSNE I HERCEGOVINE I USVAJANJU AKCIONIH PLANOVA MINISTARSTAVA I INSTITUCIJA FEDERACIJE BiH

#### I

Vlada Federacije BiH podržava Strategiju razvoja Bosne i Hercegovine i Strategiju socijalnog uključivanja Bosne i Hercegovine i izražava punu opredjeljenost i rješenost da pruži puni doprinos na implementaciji strateških dokumenata BiH.

#### II

Vlada FBiH podržava prijedlog da se nakon usvajanja strategija izradi kompletna analitička podloga za Financijski okvir za implementaciju strategija, prema metodologiji izrade strategija (modularno). Tako urađena analitička podloga će uključivati kvantifikaciju potrebnih investicija po pojedinim ciljevima i podciljevima, te izvorima financiranja, radi praćenja provođenja strategija, a vodeći računa o postojećim makroekonomskim projekcijama.

#### III

Vlada FBiH podržava prijedlog da se izradi Okvir za implementaciju strategija, monitoring plan i plan načina izvještavanja u roku od 3 mjeseca od usvajanja strategija prema metodologiji izrade strategija i zadužuje koordinatora Vlade FBiH da koordinira pripremu istih.

#### IV

Usvajaju se Akcioni planovi ministarstava i institucija FBiH kojim će biti podržana implementacija navedenih strategija.

#### V

Zadužuju se federalna ministarstva da vrše monitoring, evaluaciju i izvještavanje o urađenim aktivnostima iz Akcionih planova i godišnje izvještaje dostavljaju Federalnom zavodu za programiranje razvoja.

## VI

Zadužuju se kantonalne Vlade da urade svoje Akcione planove kojima će navedene strategije biti podržane na kantonalnom i lokalnom nivou.

## VII

Zadužuju se kantonalne Vlade da formiraju Implementacione jedinice koje će vršiti monitoring, evaluaciju i izvještavanje o urađenim aktivnostima na kantonalnom nivou i godišnje izvještaje dostavljaju Federalnom zavodu za programiranje razvoja.

## VIII

Zadužuje se Federalni zavod za programiranje razvoja da radi godišnje zbirne izvještaje na federalnom nivou o implementaciji Strategije razvoja Bosne i Hercegovine i Strategije socijalnog uključivanja Bosne i Hercegovine i iste dostavi Direkciji za ekonomsko planiranje Bosne i Hercegovine radi izrade konačnog izvještaja na nivou BiH.

## IX

Ovaj Zaključak stupa na snagu narednog dana od dana objavljivanja u "Službenim novinama Federacije BiH".

V broj: 810/10

21. 09. 2010. godine  
Sarajevo



Premijer  
Mustafa Mujezinović